



Broj: 02-04-653-16/24
Datum: 15.07.2024.godine

Na osnovu člana 64. stav 1. tačka b. i člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22), te dostavljenog Zapisnika o pregledu i ocjeni ponuda broj: 02-04-653-14/24 od 15.07.2024.godine i Preporuke Komisije za javnu nabavku broj: 02-04-653-15/24 od 15.07.2024.godine, u otvorenom postupku javne nabavke radova „Sanacija puteva i deformacija u kolovozu“ općina Doboj Jug, Općinski načelnik donosi:

ODLUKU **o izboru najpovoljnijeg ponuđača**

Član 1.

Na osnovu preporuke Komisije za javne nabavke i nakon provedenog otvorenog postupka javne nabavke, broj javne nabavke: 02-04-653-5/24, za radove „**Sanacija puteva i deformacija u kolovozu**“ općina Doboj Jug, kao najpovoljniji izabran je ponuđač „DOBOJPUTEVI“ dd Doboj Jug, po ukupnoj cijeni ponude od 385.047,83 KM bez PDV-a.

Član 2.

Ponuda ponuđača „DOBOJPUTEVI“ dd Doboj Jug, ocijenjena je kao najpovoljnija nakon provedene e-aukcije i Izvještaja o toku i završetku e-aukcije.

Član 3.

Izabrani ponuđač je dužan dostaviti dokumente iz tačke 12.3. i tačke 12.5. tenderske dokumentacije u roku od 5 dana od dana prijema ove odluke.

Član 4.

Prijedlog ugovora o predmetnoj nabavci radova će se dostaviti na potpis izabranom ponuđaču u skladu sa članom 72. Zakona o javnim nabavkama.

Član 5.

Ova odluka objavit će se na web-stranici Općine Doboj Jug, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 6.

Ova odluka dostavlja se zajedno sa Zapisnikom o ocjeni ponuda svim ponuđačima koji su učestvovali u postupku javne nabavke, u skladu sa članom 71. (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke radova broj: 02-04-653-4/24 od 22.05.2024.godine.

Javna nabavka je provedena putem otvorenog postupka, prema kriteriju najniže cijene.

Procijenjena vrijednost javne nabavke „Sanacija puteva i deformacija u kolovozu“ općina Doboj Jug, iznosi 386.122,73 KM bez PDV-a.

Ugovorni organ je na portalu Agencije za javne nabavke BiH, dana 22.05.2024.godine objavio Obavještenje o nabavci broj: 777-1-3-46-3-9/24 zajedno sa Tenderskom dokumentacijom za dostavljanje ponuda za navedenu nabavku radova, dok je obavještenje dostavljeno u Službeni glasnik BiH na objavu.

Stalna Komisija za javnu nabavku imenovana odlukom broj: 02-04-15-1/24 od 03.01.2024.godine (u daljnjem tekstu: Komisija), je dana 19.06.2024.godine blagovremeno i pravilno

izvršila javno otvaranje pristiglih ponuda o čemu je sačinila Zapisnik o otvaranju ponuda broj: 02-04-653-11/24, koji je prosljeđen ponuđačima koji su učestvovali u postupku.

Nakon otvaranja ponuda, Komisija je dana 08.07.2024.godine započela pregled, ocjenu i poređenje ponuda o čemu je sačinila odgovarajući zapisnik, te konstatovala sljedeće:

-da je blagovremeno pristiglo 3 (tri) ponude sljedećih ponuđača: GEO-PUT doo Maglaj, DOBOJPUTEVI dd Doboj Jug i ŠPIC BETON doo Zenica;

-da nije bilo neblagovremeno pristiglih ponuda;

-da su ponude ponuđača: GEO-PUT doo Maglaj, DOBOJPUTEVI dd Doboj Jug i ŠPIC BETON doo Zenica ocjenjene prihvatljivim i u skladu su sa Tenderskom dokumentacijom;

-da je od ponuđača DOBOJPUTEVI dd tražena ispravka računске greške koju je isti prihvatio;

-da na osnovu pregleda i ocjene ponuda nema ponuđača čije se ponude odbijaju i isključuju.

Prije provedene e-aukcije rang lista prihvatljivih ponuda je sljedeća:

1. DOBOJPUTEVI dd, cijena ponude 385.047,83 KM bez PDV-a;
2. GEO-PUT doo, cijena ponude 385.923,00 KM bez PDV-a;
3. ŠPIC BETON doo, cijena ponude 386.118,50 KM bez PDV-a.

U skladu sa tačkom 22.2. tenderske dokumentacije, za ponuđače čije su ponude ocijenjene prihvatljivim, za dan 12.07.2024.godine sa početkom u 14:00 sati ugovorni organ je u sistem E-nabavke zakazao održavanje E-aukcije.

Nakon okončane E-aukcije koja je završila dana 12.07.2024.godine u 14:10 sati, a u skladu sa Izveštajem o toku i završetku e-aukcije, Komisija je dana 15.07.2024.godine nastavila sa radom te je utvrđena konačna rang-lista ponuđača, kako slijedi:

R.br.	Naziv ponuđača	Konačna cijena u KM bez PDV-a	Rang
1.	DOBOJPUTEVI dd	385.047,83	1
2.	GEO-PUT doo	385.923,00	2
3.	ŠPIC BETON doo	386.118,50	3

Komisija je odgovornoj osobi ugovornog organa dostavila Zapisnik o pregledu i ocjeni ponuda broj: 02-04-653-14/24 od 15.07.2024.godine, sa Preporukom o izboru najpovoljnijeg ponuđača broj: 02-04-653-15/24 od 15.07.2024.godine u postupku javne nabavke za radove „Sanacija puteva i deformacija u kolovozu“ općina Dobnoj Jug.

U postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen na osnovu kriterija najniža cijena, te u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je ponuda ponuđača DOBOJPUTEVI dd Doboj Jug prihvatljiva i izabrana kao najpovoljnija zbog cijene koja je ponuđena nakon provedene e-aukcije u iznosu od 385.047,83 KM bez PDV-a.

Iz svega navedenog primjenom člana 64. stav 1. tačka b) Zakona o javnim nabavkama, odlučeno je kao u članu 1. ove Odluke.

Pouka o pravnom lijeku

Protiv ove Odluke može se izjaviti žalba u roku od 10 (deset) dana od dana zaprimanja Odluke.

Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od 3 (tri).

Dostavljeno

1 x Služba za budžet, fin. i priv.

1 x GEO-PUT doo

1 x DOBOJPUTEVI dd

1 x ŠPIC BETON doo

1 x u spis službenika za JN

① x web stranica Općine

1 x a/a

